



PARLAMENTARNA SKUPŠTINA BOSNE I HERCEGOVINE

Zastupnički dom

Dom naroda

Komisija za saobraćaj i komunikacije Zastupničkog doma

Sarajevo, 30.10.2024.

Broj: 100-05-01-32/24

PRIMLJENO 06-11-2024
Organizacioni broj: 0101/02-29-2170/24
Klasifikacioni oznaka: 29
Redni broj: 2170/24

Predmet: Informacija o nefunkcioniranju Odbora sistema Javnih RTV servisa u BiH

Poštovani,

Upravni odbor BHRT je u više navrata obavještavao mjerodavne institucije, javnost i međunarodne organizacije o nefunkcioniranju Odbora sistema koji se zbog blokada Radio televizije Republike Srpske nije sastao od maja 2019.godine.

Nefunkcioniranje Odbora sistema odražava se prije svega na problematiku naplate i raspodjele RTV takse i digitalizacije javnih emitera, što su temeljne nadležnosti ovog tijela. Također, Odbor sistema trebao je da upravlja Korporacijom koja je u Zakonu o sistemu javnih RTV servisa BiH (Sl.glasnik BiH, 78/05) definisana kao četvrti pravni subjekt koji će se baviti logistikom u ime i za račun javnih servisa. Iako je formiranje Korporacije bila zakonska obaveza, ovo zajedničko tijelo nikada nije formirano o čemu su više puta institucije izvještene. Po Zakonu o Javnom RTV sistemu u BiH Korporacija javnih RTV servisa propisana je kao četvrti pravni subjekt (član 3, (1), d). Zakon je u članu 42. propisao rokove u kojim se uspostavlja Odbor sistema i usvaja Statut Korporacije.

Prvih godina po usvajanju Zakona, opravdanje za probijanje zakonskih rokova bilo je kašnjenje donošenja entiteskih zakona o javnim RTV servisima. Tako je Parlament Federacija BiH na sjednici Zastupničkog doma je 22. jula 2008.godine i na sjednici Doma naroda 26. jula 2008.godine donio Zakon o o Javnom radiotelevizijskom servisu Federacije Bosne i Hercegovine koji je stupio na snagu 31. jula 2008.godine (Službene novine Federacije BiH, broj 48/08).

Zakon o Radioteleviziji Republike srpske proglašen je 26. maja 2006.godine (Službeni glasnik Republike Srpske, broj 49/06).

Nakon proglašenje zakona, pokrenuta je procedura izbora i imenovanja upravnih tijela, što je prolongiralo formiranje Odbora sistema.

Konstituirajuća sjednica Odbora sistema održana je 11.8. 2009.godine, čiji je glavni zadatak bio uspostava Korporacije. Jedini domet bio je usvajanje privremenog Poslovnika o radu Odbora sistema koji će do formiranja Korporacije kordinirati poslove naplate i raspodjele RTV takse, godišnje revizije naplate RTV takse, digitalizacije prenosne mreže I javnih servisa, donošenje uređivačkih načela i drugih pitanja od interesa za javne servise.

Međutim, i u tako suženom djelokrugu poslova, Odbor sistema praktično skoro prestaje s radom u maju 2019.godine.

Uprkos upornim nastojanjima UO BHRT-a, kontinuiranim pozivima Odbor sistema nije se uspio sastati. Tokom predhodnih godina UO BHRT uputio je bezbroj inicijativa za održavanjem sjednice. Iz RTRS-a su tokom 2019. i naredne godine stizala obrazloženja o neprihvatanju termina sjednica i načelna saglasnost o želji da se rad nastavi, ali nije bilo konkretnih rezultata. Izaostale su i reakcije iz Banjaluke na ponuđene termine sjednice, predložene teme za razgovor i ponuda da UO RTRS-a predloži termin i teme za održavanje sjednice.

Ovaj Upravni odbor uspio je do sada dogovoriti tek jedan sastanak Odbora sistema u Banja Luci koji je održan 16.5. 2023.godine koji je rezultirao raspravom bez konkretnih zaključaka, osim jednoga da se redovno održavaju sjednice. I nakon toga ponovno nije bilo odgovora na prijedloge, pozive od strane UO BHRT-a za održavanje sjednice Odbora sistema.


I nedavno izabranom novom sazivu Upravnog odbora RTRS-a uputili smo poziv za održavanje sjednice. Dobili smo odgovor kako će se UO RTRS-a odazvati nakon korištenja godišnjih odmora. Odgovor nije stigao, a i naša urgencija, upućena početkom oktobra ove godine ostala je bez odgovora.

Pored UO RTRS-a i gore navedenih problema još jedan od razloga nefunkcioniranja je i dugogodišnji sastav, odnosno nesastav UO RTV FBiH. Naime, UO RTV FBiH od avgusta 2014.godine funkcioniše samo s jednim članom UO kojem je mandat istekao sredinom juna 2013.godine bez kojeg uopće nema kvoruma za sjednicu. Zakon o RTV sistemu nalaže (član 8, (3) da Odbor sistem može punovažno odlučivati ako sjednici prisustvuje najmanje 7 članova iz sva tri javna RTV servisa.

UO BHRT nažalost osim poziva i prijedloga i kontinuiranih slanja dopisa (e-mail korespodencija je arhivirana) upravnim tijelima druga dva emitera nema načina da ih privoli da participiraju u radu Odbora sistema.

Smatramo neophodnim da Vas izvjestimo o zastoju u radu Odbora sistema očekujući da će te se kao nadležno zakonodavno tijelo uključiti u rješavanje ovog problema.

Srdačno,



Predsjedavajući Upravnog odbora BHRT
Slavko Rolih